

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Fünff Bücher, Vonn Kriegs Regiment vnd Ordnung, Wie sich ein jeder Kriegszmann inn seinem Ampt vnnd Beuelch halten soll, was zu anfang eines Kriegs zuerwegen vnnd zubetrachten sey, Auch vonn ...

Fronsberger, Leonhardt

[Franckfurt am Main], 1558

VD16 F 3129

Haber Rechnung.

[urn:nbn:de:bsz:31-41862](https://nbn-resolving.org/urn:nbn:de:bsz:31-41862)

Das fünfft Buch.

vngefährlich / thut 1600. simern Habermäl / thut 800. Scheffel Habern.

Haberfern.

GBen die Rechnung wie mit dem habermäl / hat es mit dem haberfern auch / vnd bedarff keiner besondern Rechnung.

Kochgärsten.

In Scheffel gärsten gibt gemeynlich 4. simern gestampfte gärsten / so man dann ein Wochen auff zehen Personen gibt ein vierling / der 4. ein simern thun / gestampfte gärsten / brauchen hundert Personen ein wochen 25. simern / das thut 6. scheffel 4. simern vngestampfter gärsten / fünffhundert Personen 128. simern thut vngestampfte 31. scheffel 2. simern gärsten / Tausent Personen 250. simern / thut vngestampfte 61. scheffel 4. simern gärsten.

Ein Monat brauchen hundert personen 100. simern / thut vngestampfter Gärsten 28. scheffel / Fünffhundert Personen 500. simern / thut vngestampfter gärsten 125. scheffel / Tausent personen 1000. simern / thut vngestampfte 250. scheffel gärsten.

Ein Jar brauchen hundert personen 120. simern / gestampfter gärsten / thut vngestampfte 300. scheffel gärsten / Fünffhundert personen 6000. simern gestampfte gärsten / thut vngestampfte 1500. scheffel gärsten / Tausent personen 1200. simern / thut vngestampfte 3000. scheffel gärsten.

Kochkörn oder Rattenkörn.

Mit dem Kochkörn hat es eben die Rechnung wie mit der gärsten / als klein das die Vesen / darauß man den kern macht / selten den halben teil geben / deshalb man ime am selben ort etwas zugeben muß / Also / so hundert Personen ein Wochen 25. simern kern brauchen / thut es vngefährlich 7. vnd ein halbtheil eins scheffel Vesen / Fünffhundert personen ettwant 40. scheffel Vesen vngefährlich / also da tausent Personen ein Jar lang 3000. scheffel vngestampfte gärsten brauchen / erfordert es gar bey 4000. scheffel Vesen.

Haber Rechnung.

So man mit einem Stutgarter Scheffel habern der 8. simern thut / ein nacht vnd tag 12. pferd füttern mag / muß man auff hundert pferd
X iij tag

Von allerhand Kriegsfrüstung vnd gebrauch

tag vnd nacht haben 8. scheffel 2 vnd zwey dritteil eins simern / vnd thut ein wochen 58. scheffel 2. vnd zwey dritteil eins simern / vnd thut ein Monat 233. scheffel 2. vnd zwey dritteil eins simern habern / vnd thut ein jar 12. Monat für ein Jar gerechnet 2800. scheffel habern.

Also thut es auff Fünffhundert Pferd ein tag vnd nacht 41. scheffel 5. vnd zwey dritteil eins simern / ein Monat 1166. scheffel 5. vnd zwey dritteil eins simern / vnd thut ein Jar 14000. scheffel habern.

Vnd thut auff Tausent pferde ein tag vnd nacht 83. scheffel 2. vnd zwey dritteil eins Simern / Ein wochen 583. scheffel 2 vnd zwey dritteil eins simern / Ein Monat 2333. scheffel 2. vnd zwey dritteil eins simern / vnd thut ein Jar 28000. scheffel.

Also mag man auch Rechnen / wie lang man auff ein gewisse anzahl pferd fütterung haben mag.

Haw vnd Stro Rechnung.

Gleiches gestalle soll auch mit Haw vnd Stro ein vberschlag vnd Rechnung geschehen / man soll aber solchen vberschlag inn grosser geheim halten / vnd bey leyb verhüten / das der gemeyn man nicht wiß noch erfare / wie man mit Profandt gestaffiert sey / besonder so man nit wol versehen were / Darumb soll man auch von sundan alle Profand zusammen in etliche Korn Kästen auß allen heusern zusammen führen / wol versperet vnd verwart halten / damit niemandt darumb wiß / dann die verordneten vnd verpflichten.

Was auch von Sprew / Kleyen / so von den fruchten gegerbt vnd gebeutelt werden / vorhanden / soll man alles wol vnd genaw auffheben / auch Hawblumen vnd dergleichen / dann das alles inn der vnuermeidlichen not mit den pferden wol zubrauchen ist.

Also mag man auff alle Profand vnd Munition ein vberschlag machen / damit man wiß wie lang man zuessen / vnd bey einander zubleiben hat / das man auch darnach Kan sparen / od dester reichlicher Kan zur Küchen schlagen dann sonst / wann man in einer Besatzung gleich anhebt / on alle fürsorg vnd vorbetrachtung den Schlämmer zusingen / begibt es sich offft das ehe man ettwann von den feynden recht genötet wird / das man schon alle Profandt vorhin verthan / vnd deren mangels halben die Besatzung auffgeben muß.

Was auch sonst für Profand vorhanden / als Linsen / Hirß / Fisch / Stock / fisch / Blatteislin / Speck / gedigens fleisch / schweine schüncken / haring / hünner / gänß / äntē / geissen / schaf / kelber / obß / eyr / käß / schweine schmaltz / kraut / rüben / zwibel / knobloch / gewürtz / das alles soll ordenlich verwart vnd auß
gespene